

欽定大清會典事例

欽定大清會典事例卷七百十八

兵部

武科

武鄉會試兼行事宜

武鄉會試兼行事宜○順治二年定鄉會試外
場頭場試馬射縱馬三次發九矢中二者為合
式二場試步射發九矢中三者為合式再開弓
舞刀掇石以試技勇步射布侯馬射氈毬三場
試策二問論一篇○又定順天武鄉試及武會
試皆分天地黃字今改辰宿列張四圍考試馬步射技
勇鄉試外場考試官會兵部侍郎順天府府尹

府丞及御史分圍考試會試外場考試官會兵部尚書侍郎及御史分圍考試。○又定順天武鄉試及會試所有論二篇策一篇均由內場考試官出題各省鄉試由巡撫出題。○十七年題准馬射以中四者合式步射以中二者合式。

又奉

旨。武鄉會試馬射以中四矢為合式步射以中一矢為合式不合式者不准取中。○康熙七年覆准第一場馬射以中三矢者為合式。○十三年覆准頭場考試馬射樹的各距三十五步縱馬三次發九

矢中三矢者為合式。不合式不准試。二場。二場試步射。樹大侯。高七尺。闊五尺。以八十步為則。中二矢者為合式。不合式不准入三場。馬步射後。再以八力十力十二力之弓。八十斤一百斤一百二十斤之刀。二百斤二百五十斤三百斤之石。試其技勇。弓必開滿。刀必舞花。擲石必去地一尺。三項內能一二者為合式。全不及者亦不准入三場。○三十二年奉

旨。武鄉會試舊例射的步射大侯。以八十步為則。善射者不能多中。人材或致遺棄。嗣後改為五十步。以中

二箭為合式。○又議准步射大侯以五十步為則。務以中的者為準。如中侯上之旗。侯下之足者。皆不作中。○四十一年覆准武場考試。立空白印冊二本。第一場馬射合式者。於面上用印記時。令本人親填姓名籍貫年貌於印冊。第二場合式者。仍令本人親填對其字迹相符。准入三場。並將親填冊封儲。至拆號之時。將本人中式策論墨卷與前冊磨對字迹。如有不符。作弊顯然者。褫革查究。○四十八年

諭武經七書。朕曾閱過。其書文義多駁雜。不能皆合乎

正道孟子云。仁者無敵。又曰。天時不如地利。地利不如人和。與其用權謀行師曷若以王道行仁義之為愈也。前此征三逆。取臺灣。平定塞外蒙古。朕親經理軍務。且曾躬歷行間。深知用兵之道。如七書所言。安可盡用。即今於七書中作何分別出題。及增用論語孟子出題之處。應行定議。欽此。遵

旨議定。嗣後鄉會試三場。作論二篇。時務策一篇。其論第一篇以論語孟子出題。第二篇以孫子吳子司馬法出題。至考試生童亦照此出論題。止令作論二篇。又議准直隸各省綠營兵丁有通

曉文義願應武鄉試者在充伍地方令該管官
申送與武生一同鄉試於原額內取中如不中
仍令歸伍現任營千把總門衛所千總並年滿
千總有通曉文義願應武會試者令該統領督
撫提鎮咨送年滿千總在京候推者由部臨期
出示令其自行赴部具呈與武舉一同會試於
原額內取中如不中現任千把總仍歸原職年
滿千總仍候推其兵丁及千把總如鄉會試中
武之後有願歸原職原伍者聽○又

諭朕觀八旗漢軍人等用於文職者多而用於武職者

甚少。嗣後武鄉會試亦著八旗漢軍人等考試。所增額數不過數名。可以收勇健人材之用。於武科甚為有益。欽此遵。

旨議定。嗣後八旗漢軍內府旗鼓佐領下未入流筆帖式庫使由官學生補授之外郎及閒散人等有願考試武生者該旗開具姓名移送順天府照例申送學政考取武生八十名鄉試時將所取武生並中書及部院衙門六品七品八品筆帖式不論上朝不上朝廕生監生以及監生之護軍驍騎領催各執事人等有願應武鄉試者該

旗亦開具姓名移送順天府。與武生一同鄉試。取中四十名。不中者仍令當差。會試取中八名。均照文場別編合字號。○五十一年議准本省現任官子弟。臨期頂食名糧。冒濫入場中式者。將保送出結官降二級調用。轉結官降一級調用。○五十二年題准武會試外場考試官將馬步射技勇人材可觀者。選取好字號。密開姓名交監試御史。令提調印卷彌封等官別編字號。移送內簾。先於好字號卷內擇其文理通曉者取中。如不足額。即於合式內取中。○五十三年

議准。文生有願改入武場。武生有願改入文場者。照文武生員鄉試例申送鄉試。文舉人有願改入武場。武舉人有願改入文場者。亦照文武舉人會試例申送會試。中式者各造入新冊。不中者仍各歸入文武原冊。不准再行改考。○雍正元年。覆准文武鄉會試錄事。同一律。文場試錄例既刊刻。武場試錄亦應照例刊刻。嗣後順天武鄉試錄。由府尹恭進。各省武鄉試錄。送部彙齊恭進。武會試錄。登科錄。由部刊刻恭進。○七年。奏准八旗副驍騎校。前鋒護軍驍騎人等。

有願應武鄉試者。准其應試。○又奏准順天武鄉試及武會試頭場二場試弓馬技勇人材。分別雙好單好字號。將雙好字號之人編入東文場坐號。單好字號之人編入西文場坐號。歸號之後。令巡綽官按號查對。僅有不符。立即訊究。仍將字號移送內簾試官。先於雙好字號內擇其文理平順者取中。如不足額。即於單好字號內擇其條暢者補中足額。○又議准會試時。如各省送到武舉弓馬人材皆不堪者。將鄉試取中之監試各官。照文場例處分。○十一年議准。

順天武鄉試及武會試先期行文步軍統領委
巡捕營官二人各帶兵二十名於東西轅門外
照冊點名按檢放入轅門大興宛平縣官在大
門兩旁照牌點入大門內仍令按檢監試御史
按名給卷一切送考人等不許擁入轅門○又
議准鄉試武生及會試武舉等齋文赴部取同
省同考五人連名互結准其入場無結者不准
頭二場面上所用印記毋得洗去僅有頂冒等
弊准互結之人立時舉首○十二年

諭朕御極以來於滿漢人材廣開登進之途冀收得人

之效。是以雍正元年。定有滿洲亦准考試武場之例。今已行之十年。未見有宜用綠旗之。况滿洲弓馬技勇。遠勝於漢人。將來行之日久。必至科場前列。悉為滿洲之所占。而滿洲文藝不及漢人。又恐考試內場時。不免有傳遞代作等弊。似於作養人材之道。未有益。著行停止。○乾隆元年。議准各省監生。有素習騎射。願入武場者。准與武生一同鄉試。其中式者。造入武舉冊內。不中者。仍歸監生原冊。不准再行改考。○二年。議准馬射步射各少中一矢者。不准入內場。若馬射少中一矢。步射合式。

步射少中一矢。馬射合式者。再試技勇。若弓刀石三項皆一等者。亦准其合式。缺一者不准。果有勇力過人。技藝出衆。准一同選入好字號。○又議准武鄉會試三場。卷面號印。令監試提調同受卷。彌封等官親用。不得假手書吏。致滋弊端。○又覆准武鄉會試。每圍各以御史一人監試。原為杜弊防姦。頭二場考試畢。所有三場點名冊。亦按圍分造。令各圍監試御史。於點名時各認其考試之人。儻有頂冒代倩等弊。即行查究。○三年覆准武鄉會試。選取單好雙好字號。

者皆作暗記。密開姓名移送內簾。儻不慎密以致洩露。將外場考試官及監試御史。交部議處。○四年覆准。武鄉試令提調同監試各官會試。令知武舉同監試各官將外場考試冊帶入內場。係單好雙好字號於本人交卷時將原冊所填馬步射技勇逐一詢問。如舉對相符者即准給籤放出。有一二項相符者亦准給籤放出。如與原填馬步射技勇全不相符。果係頂冒。照例查究。○六年覆准。武鄉會試卷有將字號誤印者。將承辦官照例查叅外。其取中之卷於填榜

時查對原冊如有合式卷誤印單雙好字號者即不准取中。若原係單好雙好字號誤印合式者仍准取中。○七年覆准文武准其互試原欲簡拔全材但日久弊生夫帶傳遞換卷皆勢所必有。內簾但憑文取卷外簾稽查甚難應將文武鄉會互試之例永行停止。○又覆准武鄉會試外場考試官等當外場校閱馬步射技勇之時若商酌稿案未免妨礙應俟校閱完畢於退食之後再行辦理。至於單好雙好號冊皆係密記關係綦重向將本部同御史號冊各帶入內

場查對編號而外場考試官號冊並不帶入內場但同係外場公定亦應一例查閱嗣後外場考試官號冊一併封固帶入內場以重關防。○八年奏准監生向照文生之例准入武場一次。現在文武互試既經停止則監生自不准入武場但監生原有區別其由武生捐納者原係武生出身應不准入文場仍照舊准入武場應試至由廩增附生及俊秀捐納者概不准入武場。○九年議准外場馬射九矢中四步射九矢中二方為合式行之已久近於中數已經合式者。

不復令其再射。應將中數合式者。亦必令足九
矢之數。則選取單好雙好。亦可就中數之多寡
以定高下。○又覆准。各省武鄉試考試外場好
字號中。亦照順天武鄉試之例。分別雙好單好。
三場閱文。先儘雙好。次及單好。如不足額。再於
合式卷內選取。○又覆准。武場分別雙單好字
號。原欲拔取年力強壯之人。乃有舉子已過中
年氣力就衰。明知必不取中。偶爾合式。混入內
場。為好字號。代作論策。是名為舉子。而實則槍
手。嗣後遇有實在年屆六十者。即不准其應試。

以杜混冒之弊。○又覆准武生有捐監生者。揆其捐監之情。因自顧弓馬不能出衆。文藝或有可觀。故棄武就文。安心肄業。以圖上進。應准其入文場應試。不得並入武場。○十二年奏准捐職武生。需次未選。願與武鄉試者。准其應試。○二十四年覆准武闈考試弓刀石三項技勇。皆係三號。不准合式。必有一二項係頭號二號者。准入內場。將雙單好者列於東號房。合式者列於西號房。中隔甬道。提調監臨執事等官。俱在至公堂口稽查。至武場原以選取將材。講明韜

略自當以武經為重。將四書論一篇。載汰止存。武經論一篇。策一篇。以歸簡易。○二十五年。覆准武闈考試馬箭。止射二回。共射六箭。再考地毬一回。共計中三箭為合式。缺一者不准考試。步箭其步箭五十步。遠靶酌改為三十步。每人各射六箭。以中二箭為合式。缺一者不准復考。弓刀石步靶。定以高五尺。寬二尺五寸。不得隨意高寬。馬弓以三力為率。步弓以五力為率。其不及三力五力者。不准合式。並令考試之人。於投文時。即將弓力報明註冊。以備臨時抽驗。如

有所用之弓與原報不符者亦不准合式其三
力五力之外有能加重者聽○二十七年覆准
武科鄉會試合式字號竟可裁汰惟於考試外
場時監射大臣悉心甄別將技藝可觀者儘數
挑入好字號其餘不得濫收考較既定即將挑
入各姓名彙列清單出示曉諭令入內場至分
雙單好之處仍照例密印於監射冊姓名之上
嚴加封固送入內場其坐號亦毋庸分別東西
○三十一年覆准武闈鄉會試外闈監試大臣
閱定雙好單好字號封送內場其一切弓馬刀

石俱令監試御史等官親筆填註並親用雙單
好字號毋得假手吏胥以昭慎重至執事人員
派入內場吏胥毋得先期出場俟發榜後逐名
放出○三十三年覆准武鄉會試聚奎堂派滿
漢御史各一員兵部咨取職名開列具題恭候
欽點○三十五年覆准武闈內簾閱卷房考官定以
紫筆主考官定以藍筆如紫筆添改議處房官
藍筆添改議處主考○又覆准順天武鄉試內
場於開列主考官及同考官名單內將直隸人
員扣除至武會試係各省士子一同應試難以

迴避未便扣除。應照文會試本省人不看本省
卷之例。畫一辦理。○三十六年覆准武關鄉會
試內場主考官專用藍筆。易滋脫落洗改之弊。
嗣後開卷房考官定以紫筆。主考官定以赭黃
筆。其印卷戳記及一切應用藍色之處。俱照文
關之例。改用紫色。○又奏准武鄉會試應用鄉
廚鄉皂及雜夫等役。各州縣務選誠實之人。按
名造具年貌清冊。解送順天府衙門。發交委員
照冊詳查。如果年貌相符。即照號軍之例。面用
印記。填給腰牌。仍責令委員親身押赴貢院聽

候點驗。至監試御史等於外場完竣後。即先入內闕。將應進各項夫役。驗明腰牌印記。按檢放。凡儻有印記模糊及並無印記者。立即嚴究。四十年覆准各圓箭冊。俱係大臣等自行登記。原毋庸假手官員。應不准其隨帶。至隨帶跟役。概不得過四名之外。兵部供役人等。俱交提調嚴行管束。其監射大臣及兵部堂官。宣

旨後。不准歸私宅。亦不准在外圍附近舉子之處居住。俱於城內距外圍稍遠之處住宿。以避嫌疑。

○四十五年

諭

向來武鄉試會試考試技勇內硬弓一項原以十二力為頭號。如果從容引滿。可以中式。即力量較優。亦不過多加二三力。足以見長。近來士子每多熱中競勝。且以得失之念太重。輒填註十七八力。及至較試時。類皆勉強從事。並竟有不能者。殊屬無謂。嗣後考試外場硬弓。務以滿足八股為度。其註考冊內。即有能過頭號弓十二力以上者。亦不得過十五力。著為令。○四十七年覆准武鄉會試內場出題之日。令監試御史偕同提調等官。親入號舍。照例挨查。儻有坐號不對。立即究治。至水火夫役差使完畢。

後即扃閉空室外加封條不許擅行出入其圍牆以外嚴飭巡緝員弁多派兵丁晝夜巡邏以肅場規○五十一年復准武闈外場步箭以十人為一排每人連射六矢○嘉慶五年

諭向來順天文鄉試及文會試分左右兩翼請派副都統二員帶領章京等入場彈壓惟辦理武鄉試會試並無彈壓大員不足以昭慎重嗣後武鄉試會試屆期著該部不必拘定翼分亦請派副都統一員帶同章京等一體入場彈壓至武鄉會兩試內場閱卷之主考房考雖向有迴避之例尚未詳盡著軍機大臣

會同兵部妥議具奏欽此遵

旨議准武鄉試會試兵部於咨取主考房考外廉及監
試御史知武舉提調收掌等官職名時令各該
處將應送人員內如有本族及有服姻親考試
即自行呈明不必開送凡開送之員均於文內
聲明並無應行迴避之人始列入本內儻不自
行呈明經

欽點入場而應行迴避之人因而中式者即照例將
本官革職該生黜革○十二年議准武闈內場
策論改為默寫武經由主考官擬出一段約百

餘字有不能書寫或塗寫錯亂者即為違式其
試卷照舊彌封士子等統於本日出場毋許住
宿並令監試御史等按號嚴查以清積弊其試
卷既係默寫武經則內簾房考官自可裁撤所
有

殿試及各省鄉試並學政考試原設試以策論之
處俱改為默寫武經○十三年

諭昨順天府進呈本年武鄉試錄所有開列監射大臣
銜名惟成親王未經書名因命軍機大臣檢查前數
科武鄉試錄所開監射親王是否如此及查到近科

試錄內。於成親王定親王則不書名。於莊親王榮郡王則書名。體例殊未畫一。君前臣名。禮所宜然。該府尹等排纂試錄。竟係以意為之。殊屬非是。嗣後進呈武鄉會試錄。於派出諸王均著一例書名。以昭敬事之義。○十六年

諭。嗣後武闈鄉會試卷糊名之處。照文鄉會試一律加厚。以符定制。○十八年

諭。向來滿洲蒙古旗人俱應武鄉會試。後經停止。國家甄拔人才。文武並進。現在文場鄉會試。滿洲蒙古與漢人一體應考。按額取中。旗人尤應習武。武場亦當

一律辦理著軍機大臣會同兵部詳查舊例妥議章程具奏欽此遵

旨議定滿洲蒙古武科取中額數童試五人內取中武

生一人鄉試十人內取中武舉一人

尋定八旗滿洲蒙古

取中十三名河南駐防三名山西駐防四名江

西駐防八名福建駐防滿洲六名甘肅駐防八名

江駐防四名陝西駐防十名湖北駐防六名廣

川駐防一名山東駐防三名會試中額令知武舉開列外場

東駐防滿洲二名漢軍三名雙單好名數奏請

欽定再驍騎校城門吏藍翎長拜唐阿恩騎尉親軍

前鋒護軍領催馬甲巡捕營千總把總及文員

中書七品八品筆帖式並廕生俱准與武生一體應武鄉試另戶挑補之步甲火器營破兵巡捕營外委馬兵及文員九品筆帖式庫使養育兵閒散俱准應武童試其會試中式後復勘騎射硬弓及

殿試一切均請照漢軍漢人例畫一辦理奉

諭國初開設武科多沿襲前明規制於馬步箭之外又試以開弓舞刀搬石以驗技勇順治十七年旋將技勇停試至康熙十三年又議復踵行武場以騎射為重再試以開弓搬石可以驗其力之強弱至舞刀一

項不足以分優劣。本屬無謂。嗣後武會試與各省武鄉試及武童試俱著將舞刀一項停止。此次議令滿洲蒙古旗人應武鄉試會試童試所有考試馬步箭並開弓掇石均著與漢軍漢人一體比較以昭公允。○又議准綠營千把總除本係武舉出身仍應武會試外。其非武舉出身之千把總願應試者准其一體應武鄉試。俟中式武舉後再准其應武會試。○十九年

諭。嗣後各衙門開列比較單著將上屆派出之員敘明共若干員聲明已故若干員扣除將現存者按名開

單進呈。○二十五年

諭武科規制於馬步射之外。試以開弓舞刀擲石以驗技勇。由來已久。嗣於嘉慶十八年。議令滿洲蒙古旗人與漢軍漢人一體應試。滿洲蒙古舊例止試馬步射硬弓。遂將舞刀一事一律停止。今思技勇內既向有舞刀一項。滿洲蒙古士子自應一體練習。亦不迫以時日。著自道光三年為始。凡滿洲蒙古漢軍漢人之應童試者。俱仍試以舞刀。至五年鄉試六年會試均已嫻熟一體考試。以復舊規。○道光五年

諭武闈士子向王大臣跪求一枝箭添一力弓不可不

嚴行飭禁。嗣後武闈鄉會試外場。仍按定例。弓箭刀石務期合式。不得含混取中。並著兵部先期出示。剴切申禁。如當場仍有士子跪求王大臣。即將其人扣除。不准入考。儻王大臣徇情不扣。監試御史扶同不叅。別經發覺。一併議處。○十一年

諭前因兵部議駁御史達鏞條奏。明定雙單好格式。酌量予以定額。當交該部再行妥議。茲據奏稱。武闈挑取雙好。分按各圍應試人數。每百名酌挑取二十二名。不及百名者。即按數遞減等語。分圍校閱。務在嚴明得人。嗣後監射較射大臣。總須嚴加鑒拔。每百名

挑取不得逾二十二名之數。如不得人。即再行減少。亦無不可。斷不得以才技未嫻之人。勉強挑取充數。致滋冒濫。○十三年

諭。武科為拾才大典。所有派出監射較試之王大臣。宜如何公平考校。以副朕求才若渴之心。歷科中式武舉。俱有能開出號弓者。是以一甲進士。即在此內挑取。上年士辰科中式武舉。雖有出號弓。而比較馬步箭及刀石技勇之優劣。拔取一甲一名李廣金。係十二力。本科朕親試中式武舉內牛鳳山孫和平俱報開十二力。予朕見其從容引滿。因賞給十三力。予仍

能開滿。可見此中不乏人材。皆由監射較射之王大
臣自顧考成慮復試殿試時弓力不符。先為此避重
就輕之舉。武科大典竟無一出號弓成何事體。若使
牛鳳山等竟不能開出號弓。朕憑何取中一甲武進
士乎。嗣後各直省考試武場當認真挑取練習挽強
之技。其派出監射較射之王大臣等務須秉公校閱
為國求才。用備千城之選。不得規避處分。屈抑人
才。豫為弓力不符地步。再八力弓係屬三號。歷科間有
備數充選之人。究非上乘。本科會試中式武舉陳正
坤常奎基余碧元王家變俱係開八力弓。未免過多。

甚不出色。嗣後有似此開八力字而刀石並無頭號者。該王大臣等即不准挑入好字。以杜倖進而拔真才。○二十一年議准鄉會試及覆試武場行文順天府。每圍在馬道適中之處搭蓋收箭棚廠一座。並行文步軍統領衙門。每圍委派營弁五員。揀派兵丁十五名。馬射時在頭二三靶處各撥派營弁一員。兵丁三名。步射時在落箭處撥派營弁二員。兵丁六名。俱專司打箭送往棚內。其收箭棚內撥派營弁二員。帶領兵丁六名。專司收放。再由兵部揀派司員筆帖式各一員。會同營

并按名放給。二十三年奏准武鄉會試較射
大臣監射大臣及監試御史一併由密本具題
恭請

欽定圖次以昭慎重。二十四年奏准各省駐防文
生員文舉人並繙譯生員舉人有弓馬可觀騎
射合式情願改應武鄉會試者一律准其改應
武鄉會試。又

諭向來武鄉試會試派有監射較射之王大臣會同校
閱自應秉公商酌遴選真才嗣後該王大臣等務當
公同商定不准專擅亦不准互相推諉儻有前項弊

端著監試御史據實奏。咸豐八年

諭向來各部題奏簡放試官及簡派各項差使凡有比較者均將病故各員扣除以致無從比較嗣後著將原派人員於比較單內全數開列無庸扣除。同治元年

諭本年壬戌科武會試著仍於九月舉行嗣後武會試及武鄉試日期均著仍照定例辦理。又議准武鄉會試及

殿試默寫武經毋庸另寫題目以歸畫一。光緒九年議准武闈內場試卷彌封白紙再行加厚

仿照禮部彌封之式將姓名籍貫由上下卷角
斜疊數層嚴密封固鈐蓋關防以昭慎重

欽定大清會典事例卷七百十九

兵部

武科

武

殿試

武生童考試一

武

殿試。順治二年題准會試之後於十月內舉行殿試。又題准會試武舉揭曉後由部將

殿試策文及考試馬步射弓刀石並傳臚各日期擬定具奏

殿試之後恭請

駕臨

紫光閣考試第一日先將黃冊陳設

紫光閣

駕臨親閱黃冊考試馬射。第二日考試步射。並開弓

舞刀擲石。

再改第一日考試馬射。第二日考試步射。第三日將記

名之武舉繕寫名籤進呈

御覽。

欽定甲第。交讀卷官填榜傳臚。如

命王公大臣考試。將擬在前列者引

見恭候

欽定。又題准武

殿試提調官。以本部滿漢堂官職名開列。讀卷官四人。以內閣吏戶禮刑工五部都察院通政使司大理寺翰林院詹事府送到各堂官職名開列。監試官。以都察院送到御史職名。掌卷受卷彌封官。以內閣翰林院詹事府六科送到各官。並本部司官筆帖式職名。巡綽官以鑾儀衛送到各官職名。填榜官。以內閣送到中書並本部司官筆帖式職名。印卷官。以本部司官筆帖式職名。供給官。以光祿寺送到各官並本部司官筆帖式職名。各擬開列。均密題請。

旨簡用。○又題准武進士臚唱行禮畢。贊禮官贊舉榜。本部尚書舉榜出。至丹陛下。授司官。由中路奉至。

午門前。跪設龍亭內。行三叩禮。鑾儀衛校尉昇亭樂部作樂前導。至。

長安右門外張挂。

賜給武狀元盞甲。諸武進士隨出觀榜。巡捕營備繖蓋儀從。送武狀元歸第。次日讀卷執事各官及諸武進士在部。

賜會武燕。其狀元盞甲及腰刀繖袋鞵帶鞞等項。

並賞給諸進士銀。由部具奏。行文戶工二部支取。傳臚燕鳴贊作樂。行文樂部光祿寺鴻臚寺豫備。其餘禮節均與文傳臚同。○十二年

諭國家選舉人才。共襄治理。文武允宜並重。今科中式武舉一百二十名。應照文進士一體殿試。朕親行閱視。先視馬步箭。後視策文。永著為例。○又

諭國家用人。文武並重。今科武進士俱照文進士殿試大典。一體舉行。朕思文進士有考選庶吉士作養教習之例。武進士亦應簡選教習。隨侍衛學習騎射。○

雍正元年奉

旨。殿試武進士之處。著諭兵部酌定考期。令其具奏。考試之日。早辰寒冷。著於辰時豫備。於巳時出去考試。如遇大雨大風之日。著兵部具奏。停其豫備。○乾隆

三十七年

諭。新科武進士。朕御紫光閣親試騎射技勇。原係一體通行閱看。即可定其等第。毋庸另派大臣揀選。著兵部即於紫光閣校閱時。將上屆分別營衛人數開單進呈。候朕一併酌量分記錄用。並毋庸重複帶領引見。著為令。○又奏准。武狀元傳臚換盔甲時。令該班護軍統領多派人員嚴行管轄。至兵部筵燕時。

出派堂官一員。並多派人員看管。○四十年奏准。武會試外場事畢。將原弓存儲兵部。俟

殿試後再交本處領回。○四十三年

諭。殿試舉人。有一人出派護軍二名照料。亦照校尉之例。給予腰牌。出派某人。照料某人。註明腰牌。僅有事故。指名查辦。○嘉慶六年

諭。嗣後武舉會試中式。著照文會試覆試一次之例。將馬步箭弓刀石逐一覆驗。如前後不符。罰停殿試一科。俟下屆會試之年。即著加恩准其一體殿試。○又定。會試中式武舉

殿試策文。前一日內閣刊刻題紙。由部豫期奏請。
欽派護軍統領一員。帶領護軍校等。在內閣前後門
外。嚴密稽查。○又定武會試內外場主考官員
等。共在部筵燕三次。傳臚次日在部

賜會武燕一次。俱派護軍統領一員管燕。八旗護軍
統領內。除宗室兼護軍統領者毋庸開列外。其
餘俱全行開列。恭候

欽點。上三次筵燕作一起奏派。會武燕作一起奏派。
僮遇忌辰。俱赴部替花。停其筵燕。又會武燕遣
內大臣一員主燕。屆期兵部具奏。交領侍衛內

大臣奉派赴部。○十六年奏定會試取中武舉
於十日十五日

殿試默宣武經十七日

紫光閣

閱看馬步箭十八日

紫光閣

閱看弓刀石十九日帶領引

見恭候

欽定甲第二十日傳臚○十九年

諭向例武殿試御紫光閣第一日閱視中式武舉馬步

射。第二日閱視技勇畢回宮。即於是日帶領引見諸武舉由西苑門進內趨走。不無擁擠。本科武殿試。朕於十月十八日御紫光閣閱視馬步箭。十九日在景運門外御箭亭閱視弓刀石。回宮後帶領引見二十日升殿傳臚。著為令。○二十四年

諭

本月二十日朕御太和殿。專為武殿試傳臚。其應行謝恩人員。尚係附於是日行禮。乃臚唱時。一甲一名武進士徐開業。一甲三名武進士梅萬清。均未到班。當經都察院鴻臚寺叅奏。交兵部查詢。據稱徐開業梅萬清寓居西城。是夜先至西華門。因門未開啟。繞

至東華門。以致遲誤等語。各進士分住東西城。是夜多有由闕門進內者。一甲二名秦鍾英等。均未遲誤。何以徐開業梅萬清二人獨未到班。所言殊不足信。事關典禮。非尋常失誤可比。本應全行斥革。念其究係草茅新進。徐開業著革去一甲一名並頭等侍衛。梅萬清革去一甲三名並二等侍衛。施恩俱仍留武進士。再罰停明年殿試一科。俟下屆武會試時。再與新中式武舉一體殿試。其本科一甲一名武進士。即以秦鍾英拔補。授為頭等侍衛。一應燕賚。兵部照例給予。一甲二名三名。均毋庸再補。○道光九年十月

二十四日。

宣宗成皇帝由

盛京

回鑾於二十五日

殿試默寫武經。二十八日

紫光閣

閱視馬步箭。二十九日

御箭亭考試弓刀石。帶領引

見。十一月初一日傳臚。○十二年

諭。前據御史奎麟奏。參兵部辦理武殿試。僅派書吏一

名將派出各員鈔錄草單貼於朝房門柱實屬草率當降旨交兵部查奏茲據奏稱承辦司員先到午門旋即回署辦公奏派原摺到朝房時書吏按圈出姓名開寫清單黏貼朝房門柱雖查明單內所開並無舛錯字迹亦尚端楷惟該司員先行回署並未在彼照料究屬疏忽著查取職名交部查議嗣後各項考試承辦衙門務飭承辦司員親自照料不得僅派書吏以昭詳慎○十八年議准武會試揭曉之日與

殿試相距一月為期過遠今酌改於十月初一日默寫武經初三日考試馬步箭初四日考試弓

刀石。初五日

升殿傳臚。又

諭武殿試一甲。向取三人。此次中式武舉。朕親加校閱。除一甲一名郝光甲。一甲二名佟攀梅。馬步箭弓刀石俱稱外。其餘各武舉內。或馬步箭尚好。弓刀石間有二號者。或弓刀石尚好。馬步箭中不及數者。一甲第三。不得其人。未便遷就符額。用示朕覈實掄才之意。其補行殿試之鑲白旗漢軍中式武舉項得榮。弓刀俱不符。著再罰停殿試一科。○二十七年

諭嗣後武殿試於十月初二日御紫光閣閱視馬步箭。

初三日御箭亭閱視弓刀石。初四日帶領引見。初五日升殿傳臚。即自本科為始。著為令。欽此。遵。

旨議定。中式武舉演禮亦展前。於九月二十八日舉行。

○又

諭武殿試一甲向取三人。此次中式武舉。朕親加校閱。除一甲一名李信。一甲二名姜國仲。馬步箭弓刀石俱稱外。其餘各武舉內。或馬步箭尚好。弓刀石間有二號者。或弓刀石尚好。馬步箭中不及數者。一甲第三。不得其人。未便遷就符額。用示朕覈實掄才之意。其鑲白旗漢軍中式武舉雲麟。山東中式武舉曹天

桂湖南中式武舉。謾瓊林俱石力不符。著罰停殿試一科。補行殿試之。鑲黃旗漢軍中式武舉海齡弓力不符。著再罰停殿試一科。○咸豐二年

諭嗣後中式武舉引見俱一律奏稱奴才。如再有錯誤。即將該提調等奏叅。○三年。兵部奏請武會試

殿試日期奉

旨。自本科為始。仍照道光十八年以前舊例行。著上檔存記。永遠遵行。○九年奏准武會試八月初五日考試外圍。十四日考試內場。揭曉磨勘後奏派王大臣覆試。九月初一日

殿試默寫武經。初二日演禮。初三日

紫光閣豫備馬步箭。初四日

御箭亭考試弓刀石。並帶領引

見。初五日恭請

升殿傳臚。如遇文鄉試武會試並舉之年。應將武會
試提前之處。先期由兵部再行議奏。○又奏准
凡

親試中式武舉。有違式者。武舉罰停

殿試。原園監射較射之大臣。交部議處。覆試王大
臣交部察議。○同治元年奏定。武會試初於十

月初一日

殿試默寫武經

武生童考試。○順治二年定。京衛武童生。每年春秋二季。由兵部考試。每季取進五十名。直隸各省武童。照文童例。學政三年一考。取進多寡。無定額。○九年題准。考武生童。即於考試文生童後踵行。無武學處。附文學教官管轄。除騎射外。教以武經百將傳及孝經四書。俾知大義。並將各學射圃修葺。置備弓矢。教官率武生童較射。以飭武備。○康熙三年題准。京衛武童生。照

直省例歸併學政考取三年一考。共取進百名。
○十年題准直省考取武生。府學額定二十名。
大州縣學額定十五名。中州縣學額定十二名。
小州縣學額定七八名。○又覆准直省考取武
童。均照文童例分別大中小學名數考取。造冊
報部。至取中武舉之武生。取具並無詭冒連名
保結。若一人冒進兩途。及現任官子弟。並別省
之人。詭名冒籍。匪類濫充頂替者。該督撫據實
題參。如不題參。將督撫及原出結官。交部照例
議處。○三十一年議准貴州省安化縣係思南

府首邑。照貴筑縣例。取進武生八名。○四十三年覆准。湖南省各府州縣熟苗。情願考試文武生童者。即以民籍應試。入於各該學定額內取進。○四十四年覆准。湖北湖南二省各土司。情願考試者。照熟苗生童例。一體考試。○又議准。武童先考策論。後較騎射。合式時。隨即磨對筆迹。○五十年議准。童生籍貫假借者。不准應試。已入學者。褫革。如祖父入籍二十年以上。及墳墓田宅有據者。准其應試。○五十四年議准。貴州省安順府南龍廳。照湖廣鎮谿所例。設立學。

校取進武生八名。○雍正元年覆准八旗漢軍及大宛二縣武童考試外場時。由部將八旗副都統職名開列具題請

簡一人。會同順天學政考試直省武童。由督撫提鎮將就近副將參將遊擊內。選委一人。會同學政考試奉天武童。由將軍選委協領一人。會同府丞考試各將武童內。弓馬嫻熟技勇優長者。多行選取。學政即將選取之人。考試策論。擇其優者。取進入學。○三年覆准京衛武學改為順天府武學。○四年題准裁順天武學。漢軍武生歸

滿洲教官管轄。大宛二縣武生。歸順天府教官管轄。○五年。升福建省永春縣為州。武童亦照龍巖州之例。取進十五名。○又議准。福建省德化縣武童學額。照大田縣之例。酌增四名。共取進十二名。○又覆准。嗣後武生與文生一例。按期督課。如有騎射不堪。文理荒疏。以及品行不端者。許該教官詳請學政褫革。○又覆准。武生歲考。如年老不能騎射者。即給予衣頂。歸州縣管轄。○七年。覆准。應試武童騎射合式者。用合式號記印面。如無合式號記者。不准入場。其中

如有技勇人材可觀者。用好字號印卷。內場考試時。先儘好字號。擇其文理明通者取進。其好字號不足額數。再於合式卷內取進。但既編設好字號。則外場重於內場。儻校閱不公。濫用印記。照考試藝業不實例。降一級調用。○又議准新進武童新案到學。該教官造冊移送同城武職。每月定期會同考驗弓馬。如抗不赴考。託故規避。移學示儆。其生事犯法者。詳請革究。如武職無故違誤考期。致諸生守候者。罰俸兩月。○八年議定武生文藝尚優。不能騎射。情願告退。

者。准其告退。與文章一例考試。○九年覆准武童考試外場時。每人給親供單一紙。各令親書籍貫三代年貌。俟取進時。再令覆填親供。驗對筆迹。至考試內場日。將好字號武童與合式武童。分別坐號。以杜倩代之弊。○又定廣東省裁新會縣武學額六名。移補新設鶴山縣學額。○十年覆准武生歲試。照例先考外場。將武生馬步射技勇人材可觀者。於卷面鈐記好字。合式者鈐記合式字。又次者鈐記中等字。以憑內場比較等次。並於考試外場時。令自填親供。若磨

對字迹不符。實係頂替倩代。即行褫革。咨部除名。○又議准直隸省滄州另立商學。取進商籍武生七名。竈籍武生六名。○又議准直隸省河間府武童取進二十二名。寶坻縣取進武生十二名。甯河縣取進武生八名。天津縣取進武生十五名。○又議准文武原屬一體。新進文童在學肄業。既有限期。俟有下案新生為滿。其新進武童送營考驗者。亦照新進文童之例。以下案新生到案為滿。若舊案武生。有情願力圖學習者。聽其與新案武生一同考校。○十一年奏各

省武生舉優。令該學政出具考語。題明送部。升入太學。准作監生奉

旨。各省保送優生內。若有武生。於到部時。禮部考試文藝。兵部考試騎射。即行具奏請旨。○又

諭各省學臣考試。聞有弓馬平庸文理麤通之人。混入內場。越號換卷。傳遞代筆。賄屬倩代。揆厥所由。總由府州縣考試時。每以廣收博取。市寬大之名。無論騎射優劣。悉行錄送。遂令技藝不堪。漢仗猥瑣之輩。混入內場。種種作弊。嗣後府州縣官考試武童。儻不熟悉。心校閱濫行錄送者。著該學政題叅議處。其學政校

閱外場。尤當加意選擇。若將平常懦弱之人。濫列好字號入場取中。亦著督撫查叅。○十二年覆准。大宛二縣武童。照文童之例。由縣審音考試畢。發案造冊送府丞考試。府考發案造冊送學政考試。其縣府原卷合訂。以備查對。如武童內有不經由縣府兩試。學政不得收考。○又覆准。學政下馬。即封門考試。先文生。次文童。將文案發過。然後考試武生童。先考騎射。次考策論。○又覆准。學政考取武生童騎射。該督撫提鎮不得委本籍武職會同考試。或同城武職。皆係本籍之人。

即於附近別府之副將參將遊擊內調委一人會同考試。○又議准地方官若有不公不法陵辱士子。生童等身受其害者。准其赴該管上司衙門控告。秉公審理。如控告屬實。即將地方官叅處。虛者將該生童等治以誣妄之律。儻該上司袒護地方官。不即准理。或剖斷不公。將該上司議處。若有豪橫之徒。逞其私忿。聚衆罷考。挾制官長者。審實照例分別首從治罪。其逼勒同行罷考之武生。褫其衣頂。武童記名停其考試。如合邑合學同罷考。武生全褫衣頂。武童全停。

考試已經懲治之後。果能洗心滌慮。改過自新。該督撫會同學政察實具題請

旨。儻學政市恩邀譽。暗中寢息。或將罷考案內之人。濫行收考。並該督撫通同徇隱。以及董率無方。不能約束之教官。一併交部處分。至生童罷考之時。或有同城武職從中調處寢息其事者。罰俸一年。○十三年議准。江南省江都縣取進武生八名。甘泉縣武生七名。又山陽鹽城二縣取進武生十五名。阜甯武生四名。於鹽城額內撥歸阜甯武生四名。計山陽鹽城各額進武生十

一名。阜甯額進武生八名。○又議准山東省益都縣原取進武生十五名。今既分出新縣武生。應減去三名。取進十二名。○又議准安徽省壽州分設鳳臺縣。該縣赴考生童不及壽州十分之六。入學額數應四六分取。將壽州原取進武生十五名。酌分六名。入鳳臺縣學。○又定安徽省廬州鳳陽二府分設六安泗毫潁四直隸州。酌減廬州府學武生二名。撥歸六安州。○又議准江南省蘇州淮安揚州三府分設太倉通海三直隸州。將蘇州府學額數酌撥武生三名。歸

太倉州學。揚州府學酌撥武生三名。歸通州學。

淮安府學酌撥武生二名。歸海州學。○又奉

旨。文武生員。名列膠庠。各應專心舉業。嫻習技藝。以圖
上進。豈可又挂名營伍。若已經入伍之兵。如有龐知
文義。願應考試者。原有准入武場一體鄉試之例。不
必又附名學校。若以一身而兼顧兩途。必且互相牽
制。轉致兩誤。嗣後文武生員。一概不許濫收入伍。如
故違成例。一經察出。即將該營將弁。該學教官。一併
題參議處。○又奏准八旗漢軍教養兵。如有情願應
試者。與武童一例應試。